



Kakanj, 16.11.2021. godine  
Broj: 02-3-72-18818/21

Na osnovu članova 69. i 70. Zakona o javnim nabavkama BiH („Službeni glasnik BiH” broj 39/14), člana 99. Statuta JP Elektroprivreda BiH d.d. - Sarajevo (prečišćeni tekst) broj NO-2190/21-41./2. od 25.01.2021. godine i Statuta o dopuni Statuta JP Elektroprivreda Bosne i Hercegovine d.d. – Sarajevo, broj: SD-20745/21-70./6., od 30.07.2021. godine, te člana 4. stav (6) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – Prečišćeni tekst broj: 06-14208/20 od 29.05.2020. godine, direktor Podružnice Termoelektrana "Kakanj" Kakanj, na preporuku Komisije za javne nabavke, d o n o s i

### **ODLUKU** **o poništenju postupka nabavke**

#### **Član 1.**

Poništava se Otvoreni postupak javne nabavke uz korištenje e-aukcije broj 2000032948 koji se odnosi na Nabavku HTZ opreme i sredstava za zaštitu – zaštitne rukavice, respiratori i viziri za potrebe Podružnice Termoelektrana "Kakanj" Kakanj (obavještenje na Portalu [www.ejn.gov.ba](http://www.ejn.gov.ba) broj 1424-1-1-233-3-401/21), jer nijedna od primljenih ponuda nije prihvatljiva.

#### **Član 2.**

Ova Odluka će se objaviti na internet stranici JP EP BiH, u skladu sa članom 70. stav (6) Zakona o javnim nabavkama BiH.

#### **Član 3.**

Za realizaciju ove Odluke zadužuje se Služba za komercijalne poslove Podružnice Termoelektrana "Kakanj" Kakanj.

### **O b r a z l o ž e n j e**

Postupak nabavke pokrenut je Odlukom o pokretanju postupka broj: 02-3-63-16073/21 od 04.10.2021. godine. Javna nabavka je provedena po Otvorenom postupku javne nabavke u skladu sa članom 25. Zakona o javnim nabavkama.

Ugovorni organ je dana 08.10.2021. godine objavio obavještenje za Otvoreni postupak broj: 1424-1-1-233-3-401/21 na Portalu [www.ejn.gov.ba](http://www.ejn.gov.ba) i u "Službenom glasniku BiH" broj: 63 od 15.10.2021. godine.

U predmetnom postupku javne nabavke, ponudu su dostavili ponuđači RM Company d.o.o. Zenica i INKOS EXPORT-IMPORT d.o.o. Kakanj.

U Zapisniku o pregledu i ocjeni ponuda od dana 15.11.2021. godine, Komisija za javne nabavke je, kvalifikacijom ponuđača i rezultatima kvalificiranosti, utvrdila da:

- ponuđač RM Company d.o.o. Zenica
- je dostavio uzorak za stavku broj 3 (Zaštitne rukavice – duge (varilačke) za argonsko varenje) tehničke specifikacije broj 10/2021, koji nije obilježen na način definisan kolonom 8 "Zahtjevi za kvalitet" tehničke specifikacije broj 10/2021.

- je dostavio uzorak za stavku broj 7 (Zaštitne rukavice gumene za higijeničare) tehničke specifikacije broj 10/2021, koji nije obilježen na način definisan kolonom 8 "Zahtjevi za kvalitet" tehničke specifikacije broj 10/2021.
- ponuđač INKOS EXPORT-IMPORT d.o.o. Kakanj
- je dostavio uzorak za stavku 1- Zaštitne rukavice kožne-kratke (bez ojačanja) za fini i precizan rad, koji nije u skladu sa zahtjevom tendera.  
Naime, za stavku 1, u koloni 6 "Dimenzije i druge tehničke karakteristike" specifikacije broj 10/2021 stoji " ...Cijela rukavica izrađena od mekane ovčije/kozije kože...", a dostavljeni uzorak nije u cjelosti izrađen od kože (kod dostavljenog uzorka nadlanica rukavice nije izrađena od kože).
- je dostavio uzorak za stavku 2 - Zaštitne rukavice kožne-kratke (sa ojačanjem) koji nije u skladu sa zahtjevom tendera.  
Naime, za stavku 2, u koloni 8 "Zahtjevi za kvalitet" specifikacije broj 10/2021, stoji : "1. svaka rukavica mora na sebi imati vidljive, čitljive i neizbrisive slijedeće oznake:
  - puni naziv proizvođača ili registarski znak proizvođača ili naziv robne marke;
  - jedinstvenu oznaku rukavice (tip ili broj artikla ili naziv modela);
  - oznaku veličine min 10
  - piktogram za zaštitu od mehaničkih opasnosti (EN 388 min 2122)".
 Ponuđač je, za gore navedenu stavku, dostavio uzorak koji na sebi sadrži natpis "FUDO-K" za koji pretpostavljamo da je naziv proizvođača. Nismo pronašli registrovanog proizvođača pod imenom "FUDO-K". Takođe, dostavljeni uzorak za stavku 2 ispod piktograma za zaštitu od mehaničkih opasnosti nema oznaku min. četiri vrste opasnosti. tj. nije u skladu sa standardom EN 388.
- Za stavku 1 tehničke specifikacije broj 10/2021 nije dostavio Certifikat o ispitivanju tipa/Certifikat o EC vrsti pregleda, a kako je traženo tačkom 6.5 c).
- Za stavku 2 tehničke specifikacije broj 10/2021 nije dostavio Certifikat o ispitivanju tipa/Certifikat o EC vrsti pregleda, kao ni Izjavu o usklađenosti sa Direktivom 89/686/EEZ, a kako je traženo tačkom 6.5 c).
- Za stavku 3 tehničke specifikacije broj 10/2021 nije dostavio Certifikat o ispitivanju tipa/Certifikat o EC vrsti pregleda, a Izjava o usklađenosti sa Direktivom 89/686/EEZ nije prevedena na jedan od službenih jezika u Bosni i Hercegovini, a kako je traženo tačkom 6.5 c).
- Za stavku 4 tehničke specifikacije broj 10/2021 nije dostavio Certifikat o ispitivanju tipa/Certifikat o EC vrsti pregleda, a kako je traženo tačkom 6.5 c).
- Za stavku 5 tehničke specifikacije broj 10/2021 nije dostavio Certifikat o ispitivanju tipa/Certifikat o EC vrsti pregleda, a kako je traženo tačkom 6.5 c).  
Naime, na strani 42. ponude dostavljena je Izjava o usklađenosti koju nije moguće povezati sa dostavljenim uzorkom (broj artikla na koji se odnosi izjava i broj artikla dostavljenog uzorka nisu isti).
- Za stavku 6 tehničke specifikacije broj 10/2021 nije dostavio Certifikat o ispitivanju tipa/Certifikat o EC vrsti pregleda, a kako je traženo tačkom 6.5 c).  
Naime, na strani 41. ponude dostavljena je Izjava o usklađenosti koju nije moguće povezati sa dostavljenim uzorkom (broj artikla na koji se odnosi izjava i broj artikla dostavljenog uzorka nisu isti).

Na osnovu svega navedenog, a u skladu sa odredbom člana 69. stav (2) tačka d) Zakona o javnim nabavkama BiH donesena je Odluka kao u dispozitivu.

**Pravna pouka:**

Protiv ove Odluke može se izjaviti žalba JP Elektroprivreda BiH Termoelektrana "Kakanj" Kakanj, u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.

~~Direktor~~

Midhat Sikira



*Handwritten signature*

Dostaviti :

- Ponuđaču
- Sektoru za ekonomske poslove
- a/a